

Lenportans disiplin zafan e onor ou paran

Ansenny en zafan dan sa semen ki i d
evret pran, e ler i vin vye, i pa pou kit li.
Proverb 22:6



Pour bann paran

Gete, zanafan i en leritaz Senyer, e fri dan vant i son rekonpans. Psonm 127:3

Sa enn ki pa servi son baton i ay son garson, me sa enn ki kontan li i koriz li detan.

Proverb 13:24

dan lakrent pour senyer i annan konfyans for, e son bann zanafan pou ganny en landrwa refiz. Proverb 14:26

koriz ou garson letan i annan lespwar, e pa les ou nanm eparny son kriye. Proverb 19:18

Foli i atase dan leker en zanafan; me baton koreksyon pou pous li lwen avek li.

Proverb 22:15

Pa refiz koriz sa zanafan, aköz si ou bat li avek en baton, i pa pou mor. Ou ava bat li avek en baton, e ou ava delivre son nanm dan lanfer. Proverb 23:13-14

Baton ek reprimann i donn lasazes, me en zanafan ki les tousel i fer son manman onte.

Proverb 29:15

Koriz ou garson, e i ava donn ou repo; wi, i pou donn plezir ou nanm. Proverb 29:17

Tou ou bann zanafan ava ganny ansennyen par SENYER; e lape ou bann zanafan pou gran.

Izai 54:13

sa enn ki kontan son garson i souvandfwa fer li tous sa baton, pour ki i kapab ganny lazwa pour li alafen. Sa enn ki pini son garson pou dan lazwa dan li, e pou rezwir li parmi son bann zanmi. Sa enn ki ansenny son garson i ofans son lennmi, e devan son bann zanmi, i pou rezwir li. Menm si son papa i mor, i konmsi i pa'n mor, akòz i'n kit deryer li enn ki parey li. I tan i ti vivan, i ti war li e i ti dan lazwa, me lè i ti mor, i pa ti sagren. I ti kit deryer li en vanzer kont son bann lennmi, e enn ki pou rekonpans labonte anver son bann zanmi. Sa enn ki fer tro bokou avek son garson, pou anmar son bann blesir; e son trip pou bouleverse lè i kriye. En seval ki pa'n ganny kase i vin antete, e en zanfan ki'n ganny les tousel pou vin volontè. Depouy ou zanfan e i avè fer ou per: zwa avek li, e i avè fer ou tonm dan latristes. Pa riye avek li, pangar ou ganny sagren avek li, e pangar ou grens ou ledan alafen. pa donn li laliberte dan son zenes, e pa bat lizye avek son bann foli. Bes son likou lè i ankò zenn, e bat li lo kote lè i ankò zanfan, pangar i vin antete e dezobeisan anver ou, e anmenn sagrajasyon dan ou leker. Koriz ou garson e fer li travay dir, pangar son kondwit degoutan i ofans ou. Sirach 30:1-13

Pour bann zanfan

onor ou papa ek ou manman, pour ki ou ava viv lontan lo sa pei ki SENYER, ou Bondye pe donn ou. Egzod 20:12

Mon garson, pa mepriz pinisyon Senyer; ni fatigue avek son koreksyon: akòz sa ki Senyer i kontan i koriz li; parey en papa avek son garson ki i kontan. Proverb 3:11-12
Bann proverb Salomon. En garson saz i fer son papa kontan, me en garson bet i fer son manman tris. Proverb 10:1

Ekout ou papa ki'n donn ou, e pa mepriz ou manman ler i vye. Proverb 23:22

Zanfan, obei zot paran dan Senyer, akòz sa i byen. onor ou papa ek ou manman; sa i premye komannman avek promes; Konmsa, tou ava byen pour ou e ou ava viv lontan lo later. Efezyen 6:1-3

Onor ou papa avek tou ou leker, e pa oubliy lapenn ou manman. rapel ki ou'n ganny ne par zot; e ki mannyer ou pou rekonpans zot pour sa ki zot in fer pour ou?"

Sirach 7:27-28

Ekout mwan zot papa, O bann zanfan, e fer sa apre, pour ki zot ava an sekirite. Annefe, Senyer in donn en papa loner lo son bann zanfan, e i'n donn lotorite en manman lo son bann garson. Sa enn ki onor son papa i fer pardon pour son pese: e sa enn ki onor son manman i parey en dimoun ki pe anmas en trezor. Sa enn ki onor son papa pou ganny lazwa avek son prop zanfan; e ler i fer son lapriyer, i pou ganny ekoute. Sa enn ki onor son papa pou annan en lavi lontan; e sa enn ki obeir Senyer pou en rekonfor pour son manman. Sa enn ki annan lakrent pour Senyer pou onor son papa, e pou servi son paran parey son met. Onor ou papa ek ou manman an parol e an aksyon, pour ki zot ava ganny benediksyon lo ou. Annefe, benediksyon en papa i etabli bann fanmir; me malediksyon manman i derasin fondasyon. Pa fyer aköz dezoner ou papa; aköz dezoner ou papa pa en laglwar pour ou. Annefe, laglwar en zonm i sorti dan loner son papa; e en manman dan dezoner i en repros pour bann zanfan. Mon garson, ed ou papa dan son laz, e pa fer li tris tan ki i vivan. E si son konprenezon i afebli, pran pasyans avek li; e pa mepriz li ler ou dan ou lafors. Annefe, soulazman ou papa pa pou ganny oubliye, e dan plas bann pese, i pou ganny azoute pour batir ou. Zour ou soufrans, ou pou ganny rapel; ou pese osi pou fonn, parey laglas dan letan so. Sa enn ki abandonn son papa i parey en blasfenm; e sa enn ki fer son manman ankoler i ganny modi: par Bondye. Sirach 3:1-16

Si nou pou disiplin nou zanfan, zot pou plere la konmela me zot pou zouir dan lavenir.
Si nou pa pou disiplin nou zanfan, zot pou kontan la konmela me zot pou plere dan lavenir.

Zanfan i lavenir nou pei. Me si zot pou vin vye san disiplin, ki pou lavenir nou pei?

tou bann move labitid en adilt i bann ki pa ti ganny korize oubyen disiplinen ler i ti zis en zanfan. nou bezwen elve bann zanfan ki annan lakrent, kontan, e obei Bondye.

mon ti pran en bout larzil vivan.
e dousman form li zour apre zour.
mon ti retournen ler lannen ti'n fini.
I ti en zonm ki mon ti gete.
i ti ankor annan sa lenpresyon boner.
e mon pa ti pou kapab sanz li zanmen ankor.